

გედლების იმპერიაში გამომწყვდეული პოეტი

ბოლო პერიოდში კაიროში მიმდინარე პოლიტიკურმა პროცესებმა კიდევ ერთხელ გამახსენა ის უამრავი ეგვიპტელი შემოქმედი, რომელთა პროტესტი ახლა არ დაწყებულა. ისინი უკვე დიდი ხანია უკმაყოფილებას გამოთქვამენ ქვეყნის პოლიტიკასა თუ საზოგადოებაში არსებული შეზღუდულობის გამო, რამაც ბევრი მათგანის შემოქმედებას არც თუ უმნიშვნელოდ დაასვა დადი. ერთ-ერთი ასეთი პოეტი აქმად ტაჟა 1998 წელს კაიროში სწავლისას შემთხვევის წყალობით გავიცანი. იმხანად არაბული ენის ცოდნის გასაღრმავებლად ენობრივ სტაჟირებაზე გახლდით. თუმცა ყოველთვის ვინტერესდებოდი თანამედროვე არაბულ და კერძოდ, ეგვიპტურ ლიტერატურაში მიმდინარე იმ უახლესი პროცესებით, რომელთა გაცნობა ჩვენთვის თბილისში ნაკლებად იყო ხელმისაწვდომი. ჩემმა ნაცნობმა, ამერიკელმა პოეტმა ელიოტ კოლლამ (რომელიც მაშინ თავის დისერტაციაზე მუშაობდა, ამჟამად კი შედარებითი ლიტერატურათმცოდნების ასოცირებული პროფესორია ბერკლის უნივერსიტეტში), მირჩია, შინ გწვეოდი აქმად ტაჟას.

ეგვიპტელი პოეტი აქმად ტაჟა 1952 წელს კაიროს ერთ-ერთ რაიონში – შუბრაში დაიბადა. ეს ძევლი უბანი გამორჩეულია თავისი მრავალეროვანი მოსახლეობით. ამიტომ ტაჟას, რომელსაც ბავშვობიდან ბერძენი, სომეხი თუ ებრაელი მეგობრები ჰყავდა, არასოდეს ჰქონია განსხვავებული რელიგიის, ეროვნებისა თუ მრწამსის ადამიანებთან ურთიერთობის პრობლემა. ასე აღმოვჩნდი ზამალიქზე – კაიროს ერთ-ერთ პრესტიულ უბანში, აქმად ტაჟას ბინაზე, სადაც კვირაში ერთხელ გამართულ ლიტერატურულ სადამოებს ბევრი უცხოელი თუ ეგვიპტელი ახალგაზრდა პოეტი ესწრებოდა. ისინი ერთობლივად ეძებდნენ მხატრული გამოსახვის ახალ ფორმებს, არღვევდნენ ეგვიპტურ საზოგადოებაში არსებულ ტაბუებს, აკრიტიკებდნენ სხვადასხვა მწერალთა თუ საზოგადო მოღვაწეთა ნამოქმედარს, შენიდბულ სიმართლეს ხშირად ირონიით გადმოსცემდნენ. ძირითადად თავისუფალ ლექსებს, ვერლიბრს წერდნენ. „შესაძლოა, მათ სიღრმე აკლიათ, მაგრამ გულწრფელნი არიან და იციან, თუ რა ხდება მათ გარშემო“ – ამბობდა აქმად ტაჟა, რომელსაც ახალგაზრდა შემოქმედთა ჯგუფი ურნალ „ალ-ჯარადას“ გარშემო გაეერთიანებინა და მათთან მუშაობას ბევრს დროს უთმობდა. აქ მთავრობის კრიტიკასაც ხშირად მოჰკრავდით ყურს.

ეს ადგილი ჩემთვის უჩვეულო გახლდათ იმით, რომ ქეყანაში, სადაც ერთი შეხედვით, თითქოს ყველაფერი კარგად იყო, ყვაოდა ტურიზმი, სხვაგან არსად გამოუთქვამთ ამდენი უკმაყოფილება და პირდაპირი პროტესტი არსებულ რეჟიმთან დაკავშირებით. მოგვიანებით შევიტყე, რომ სწორედ იმ შეკრებებს ვესწრებოდი, რომლის გამოც აქმად ტაჟა დაპატიმრებული ყოფილა გასული საუკუნის ოთხმოციანი წლების ბოლოს. მის ბინაზე გამართული ლიტერატურული საღამოები კი მეტად საშიშ მოღვაწეობად მიუჩნევიათ. ორთვიანი პატიმრობის შემდეგ ტაჟა გაუთავისუფლებიათ, თუმცა მთელი მისი ხელნაწერები და წიგნები გაუნადგურებიათ. ეს თავდასხმა სახელმწიფოს მხრიდან განხორციელებულა. საგულისხმოა, რომ ტაჟას არა მხოლოდ ხელისუფლება არ სწავლობდა, არამედ ისლამისტებიც.

წლების შემდეგ კიდევ არაერთხელ შევხვდი აქმად ტაჟას, რომელიც უფრო და უფრო გულგატებილი მეჩვენებოდა. წუხილით საუბრობდა ხოლმე იმის შესახებ, თუ რა სულისშემსუთველ გარემოში უხდებოდათ მოღვაწეობა ეგვიპტელ შემოქმედებს. მისი შეკრებების მონაწილე ახალგაზრდების ნაწილი აშშ-ში წავიდა საცხოვრებლად იმ მოტივით, რომ კაიროში მათვის პრობლემად იქცა საკუთარი ნაღვაწის გამოქვეყნება.

ერთხანს აქმად ტაჟაც ცხოვრობდა ემიგრაციაში – ოთხმოცდაათიანი წლების დასაწყისში ჩიკაგოს უნივერსიტეტში კითხულობდა ლექციებს. როგორც ამბობს, „უფრო ახალგაზრდა რომ ყოფილიყო, დარჩებოდა ამერიკაში, მაგრამ უკვე ძალიან ბევრი რამ აკავშირებდა ეგვიპტესთან და უცხო გარემოში ყოფნას ისევ სამშობლოში დაბრუნება არჩია.

1999 წელს ჯერ დევნილი და შემდეგ რეაბილიტირებული პოეტი პრესტიული ლიტერატურული ორგანოს „ალ-კაჟირას“ რედაქტორად დანიშნეს. თუმცა, მხოლოდ ხუთი ნომრის გამოცემა მოასწრო – მას შემდეგ, რაც წინ წამოსწია ფემინიზმთან და პოსტკოლონიურ ლიტერატურასთან დაკავშირებული თემები, ისევ გაათავისუფლეს.

ტაჟა ვერც კი წარმოიდგენდა, რამდენი იმედგაცრუება ელოდა ქვეყანაში, რომლის გარეშე ცხოვრებაც ვერ შეძლო. სიურრეალიზმი აღმოჩნდა ის მიმდინარეობა, რომლის სიმბოლურ სახეებსაც პოეტმა თავი შეაფარა, რათა შეფარული პროტესტი გამოეთქა, „თავისი სიმართლე“ ეთქვა. ასე გადაიქცა ერთ დროს თავგამოდებული ნაციონალისტი, ეგვიპტის ჯარში მომსახურე მარქსისტული იდეებით გატაცებული აქმად ტაჟა პოეტად, რომლის ლექსების დიდი ნაწილი სიურრეალიზმის ნიშნითაა აღმდეგდილი.

მისი პოეტური კრებულები თარგმნილია ინგლისურად. აქ წარმოდგენილია თარგმანები კრებულიდან „პედლების იმპერია“ (1992), რომელშიც 1987-1992 წლების შექმნილი ლექსები და ჩანახატებია შესული.

ქმნის კედელი

ირიჟრაჟა...

გამოიღვიძა გლეხმა,
მიმოიხედა...

ვერ დაინახა კვამლი სახლის სახურავებზე
და ვერც ინდიგო – გოგონების ლამაზ თავებზე,
ვერ გაიგონა ქალის სიმღერა,

ბავშვს რომ უმღერდა სიკვდილისგან გამობრუნებულს,

ვეღარც პაცები დაინახა,
ადარ მოქსმა მათი ხველა, რომლის დროსაც

ცოლების სუნი ამოსდიოდათ გულმკერდებიდან,
ვერ დაინახა ტრამვაი, რომელსაც უკან ბავშვები ეკიდნენ

და ვერც ეშმაკი, სიცილ-კისკისით რომ ბრუნდებოდა საფლავებისკენ...
აი, ამგვარად,

მან გადაწყვიტა, შეექმნა შუბრა
ზუსტად ისევე, როგორც ესიზმრა,
და იქმნა შუბრა.

კვლავ ირიჟრაჟა...

თავად მეფემ გამოიღვიძა,
მიმოიხედა...

ვერ დაინახა საფარველი ფაფუკ ლოგინზე
და ვერც მეზობელ ფანჯარაზე მოფრიალე დროშა იხილა,
ვეღარ იპოვა რბილი თემი თავის ფეხებთან
და ვერც წყალმცენარეებით მოხატული ხალიჩა,
ვერ გაიგონა დარაჯის ბურდღუნი,

იარაღის ქრარუნი.

აი, ამგვარად,

მან გადაწყვიტა, გამხდარიყო მეფე შუბრასი

ზუსტად ისევე, როგორც ესიზმრა,

და იქმნა შუბრას სახელმწიფო

ჩვილის არტახებითა და ქალის ცხვირსახოცებით

შეკოწიწებული დროშით.

კვლავ ირიჟრაჟა...

გენერალმა გამოიდგიძა,

მიმოიხედა...

ვერ დაინახა სანგარი თავის საწოლის მიღმა,

ვედარც ქსოვილი ხაკისფერი – თავის სხეულზე

და ვერც ხანჯალი – ბალიშის ქვეშ.

ვერ დაინახა ის საზღვრები, რასაც იცავდა

და ვედარც მტრები, მას რომ ებრძოდნენ,

და ვედარც რუპა, რაზეც ჯოხით მიუთითებდა.

აი, ამგვარად,

მან გადაწყვიტა, გამხდარიყო გენერალი მთელი შუბრასი

ზუსტად ისევე, როგორც ესიზმრა.

და იქმნა შუბრას გენერლობა,

მისი საზღვრები გადაიჭიმა სამხრეთით რამზესის ქანდაკებიდან

ჩრდილოეთით ვიდრე ტრამვაის გაჩერებამდე.

უკანასკნელად ირიჟრაჟა...

გამოიდგიძა დიქტატორმა,

მიმოიხედა...

ვედარ იპოვა რევოლუცია,

მოსწავლეთა ჩანთებს რომ ამძიმებდა

და ვედარც ომი სამოქალაქო,

კაფეების ყოველდღიურ კლიენტებს რომ ხოცავდა,

ვედარ ნახა მოდალატენი,

რომელთა მოსპობას თავად ლამობდა,

ვერც შეთქმულება –

საინფორმაციო საშუალებების მიერ ჩაშლილი.

ვერ გაიგონა მოწოდება ხალხის მასებზე

და ვერც სიმდერა დიქტატორის დიდებასა თუ განდიდებაზე.

აი, ამგვარად,

მან გადაწყვიტა, რომ მეთაური გამხდარიყო მთელი შუბრასი

ზუსტად ისევე, როგორც ესიზმრა

და იქმნა შუბრა –

მესამე სამყაროს

სულ პირველი დედაქალაქი.

ოცნება

მაგრამ მე არ ვარ
განმარტოებული დვთაება,
ცარიელ ცას რომ ეძებს...
შემიძლია ვიარო კაფეებში, ბარებში,
ვიჯდე ჩემი სახლის კიბეებზე...
სიყვარულისთვის ჯერ არ მოვხუცდი,
ლექსებს ვწერ მხოლოდ ქალებზე...
მჭირდება პარტია,
ჩემს ნაწილებს რომ შეაგროვებს,
პირველ ნომრად დამასახელებს
და ამ ნომერს შემინარჩუნებს;
ან დიქტატორი
ჩემ დანახვაზე ჩაფხუტს რომ მოიხდის
და შეუმჩნევლად გულში ტყვიებს ჩამიდებს
ზუსტად ისევვ, როგორც ბაბუათი უტენიან ხოლმე ტკბილეულს
ხელებში ბავშვებს.

გადასახლების ადგილი

როცა დაიწყებ საზაფხულო ტანსაცმლის ჩაცმას,
მაშინ აიღებ ერთადერთ ჩანთას,
რომელშიც შენი ლექსები,
პირადობის მოწმობა
და რამდენიმე სურაოია გადასახლების ადგილზე გადაღებული,
რათა ყოველთვის გახსოვდეს იგი.
აი, სიგარეტს ეწევი
პარკის ტროტუარზე მთლად გაყინული,
ამტანი, გამძლე,
თავზე შალის თავსაბურავით.
ენიო აპროტესტებ,
არ ემორჩილები მას, ვისთანაც გძინავს,
ელაპარაკები სეზონურ მეგობრებს,
ყველას,
ყველას,
ვერ მიეჩვიე გადასახლების ადგილს,
რომელიც შენ წინაშეა გადაჭიმული
და რომელიც შენი საწოლიდან ისეა დაშორებული,
როგორც პირამიდა – შუბრადან.

თუმცა მე
როცა დაგვტოვე შუბრა,
არ დამვიწყებია
ხიდი გამედო ჩემსა და მას შორის
არა იმიტომ, რომ მეარა ხიდზე,
არამედ რათა მეყურებინა მისთვის.

ამბავი

ერთი პატარა ქუჩის გარდა არაფერი ჰყოფდა ბარს და ტყავის საქადალდეში ჩალაგებულ სადისერტაციო ნაშრომის ფურცლებს... გადაწყვიტა, აღ-აზბაქიის¹ კედლით დაეწყო. რაც არ უნდა თქვან, დარჩენილი გალავნებიდან ის ყველაზე ამტანი და გამძლე გამოდგა. როდესაც მთელი გულისყურით დაათვარიელებ მას, სიბრძნით აღიგვები და თანდათან ან ლიბერალი გახდები, ან... ცხოვრებისაგან განდგომილი. აქ გვერდიგვერდ დახტიან იდეოლოგთა უხეში, გაბოროტებული მოწოდებები და სხვადასხვა ისტორიული ეპოქის არაერთი ერთსულოვანი გადამახილი. თუ კიდევ უკეთ გამოიკვლევ, ჩაუკვირდები, დაინახავ, რომ არაფერი კვდება ადამიანის მსგავსად. გაეცნობი ყველა წიგნს, თითოეულ ფურცელს და იგრძნობ, როგორ გაჩნდება ზიზდი შენსა და შენ საკუთარ სულს შორის. მყის შეგძლდება ყველა ის ჭკვიანი, ნიღაბს ამოფარებულს წიგნები რომ გაუზუთხავს, რათა ხალხთან ფერადი ლოზუნგებით გამოსულიყო. იმათაც მოჰკრავ თვალს, რომელთაც ყველა წიგნი უკუაგდეს და სხვა, ისეთი კედლების უკან მოთავსდნენ, აღ-აზბაქიას რომ არა ჰგავს.

მაგრამ აღ-აზბაქიის კედელიც აღარაა ის, რაც თავიდან იყო. შენ წინ არეული უამრავი ქუჩისთვის ვიდაც მოცლილებს ერთნაირი სახელები დაურქმევიათ. თუმცა ისინი ისევე არ ჰგანან ერთმანეთს, როგორც სამოთხე და ჯოჯოხეთი. გაუყვები ზოგიერთ მათგანს და თვალს მოარიდებ, ტვინი აგერევა. მაშინ მიხვდები, სახეზე ჩამოფარებული საფარველი, თვალის მუხუჭვა თუ გშველის მხოლოდ. მათხოვარივით ხარ, თუმც არა ხარ ასეთი. საკუთარ თავს ძალას დაატან და გაგახსენდება ის, რაც შენნაირ სტუდენტს შეიძლება შეემთხვეს. შემდეგ... პატიების თხოვნა, უდანაშაულოდ აღიარება, მონდომებისა და ბრძოლისუნარიანობის დაკარგვა... რასაც შენ ითხოვ, შენამდე ბევრმა მოითხოვა და დღემდე არავინ იცის, რა ბედი ეწიათ მათ.

როცა საკანცელარიო ნივთებით მოვაჭრეს გასცედები, ან თუნდაც ქუჩას ან მოედანს გადაკვეთ, არც ფიქრობ, რომ რაღაცის ზღურბლი დატოვე. ძალიან ახლოს ხარ მასთან. სიფრთხილე გმართებს, ისევ სიფრთხილე... იქ ბევრი პლაკატია. აი, ერთი მათგანი კაფე „რიშის²“ მოპირდაპირე მხარეს – მასზე პრეზიდენტის აზრის განმარტებასთან ერთად რამდენიმე მოძრავ კონვერტს შენიშნავ, ცხელი წვნიანის სუნი რომ ამოსდის. თავს ებრძვი, გაბოროტება რომ დაფარო. სულეიმან ფაშას მოედნიდან გადაუხვევ.

საქმარისად დაიხარჯები და მაინც მიხვალ, იპოვი შენი კვლევისთვის საჭირო ფურცლებს. აღმოაჩენ, რომ საქმე კიდევ უფრო გაურკვეველია და ბნელით მოცული. დოკუმენტები... ქაღალდები... უტოპიაა უმეტესად. ყველაზე ნაკლებად კი წამებულთა და დაღუპულთა მორჩილება. აღმოაჩენ ამ მთველმარე ქაღალდების უმწეობას, სადაც მონაცრებული სიტყვები წყვილდებიან.

იმუშავე, ვიდრე ცეცხლს არ გახსნი და კვნესას არ გაიგონებ,

ვიდრე ცელკეული ბგერებიდან სათქმელი არ ამოიზრდება.

მაშინ

ამოატრიალებ შენს სურათებს, ფურცლებს და თითებს შორის მოძებნი
მცხოვრები,

¹ აღ-აზბაქიის კედლები – კაიროს ერთ-ერთი ყველაზე ცნობილი არაოფიციალური კულტურული ცენტრი, რომელიც XX ს-ის დასაწყისი დაარსდა. აქ მირითადად იყიდებოდა ძველი წიგნები. მას სტუმრობდნენ ცნობილი ინტელექტუალები. ამჟამად ეს ტერიტორია წიგნის 132 მაღაზიისგან შედგება. იყიდება ყველაფერი უძველესი ჟურნალ-გაზეთებით დაწყებული და უახლესი ლიტერატურით დამთავებული.

² Café Riche ერთ-ერთი ყველაზე ცნობილი ლიტერატურული კაფეა კაიროში. ამ ისტორიულ კაფეში იქრიბებოდნენ მწერლები, პოეტები, მსახიობები, მომღერლები, რომელთა შავ-თეორი ფოტოები დღემდე ამშვენებს მის კედლებს.

საქმე,
ჩინოვნიკი.

ისინი ყველაზე ღრმად პატივცემულ, დაფასებულ, კათილდღეობისა და ფუფუნების
დიპიან ცეცხლში მოათავსე.

საქმის გამკეთებელი,
გაკეთებული საქმე,
გამოკეტე სამოთხის კარი და იატაკზე მოისროლე სიტყვები...
მაშინ

შესაძლოა, ბარში დაბრუნება მოგინდეს,
შემხვედრისათვის ნაძალადევად ხელის ჩამორთმევა,
ან იმ ბიჭებთან შეერთება,
მხრებთან მუქი თმა რომ არ ამოსდით...

ქუჩები არ ჰგავს შუბრას...

მოედანი მოედანია...

ასე

დაიარებიან ეგვიპტელები,
დავიწყებიათ ქვეყანა...

ერთმანეთს ხვდებიან,

უახლოვდებიან

და შორდებიან.